

INFORMAZIÓN SOBRE OS AUTORS COLABORADORS D'ISTE TOMO

CIERBIDE MARTINENA, Ricardo (1936-2018). Estió Catedradico de Filolochía Romanica en a Unibersidá d'o País Basco e, dende a suya chubilazión, profesor emerito. Presidén d'a Soziedá Basca d'Onomastica (*Onomastila Elkartea*) e miembro d'o Consello d'Almenstrazión de l'Association Internationale d'Études Occitans (AIEO). Autor de buena cosa d'estudios arredol d'o romanze nabarro meyebal, l'aragonés e l'ocitano. Un resumen d'a suya vida e obra, con una lista d'as suyas publicazions zientificas más relebans, se puede beyer en *Luenga & fablas*, 22 (2018), pp. 163-166.

DIESTE ARBUÉS, Chusé Damián. Escritor de temas d'antropolochía, etnografía, tradizions populares e memoria oral. Autor de buena cosa de libros, entre os que se pueden cuaternar: *Refranes ganaderos altoaragoneses* (1994), *Tradiciones altoaragonesas* (2000), *Adivinanzas del Alto Aragón* (2009), *Espiga. Refranes agrarios del Alto Aragón* (2013), *Fábulas y leyendas del Alto Aragón* (2014), *Ritos mágicos del Alto Aragón* (2015), *Esquilas y estrellas* (2015), *Las palabras del ciervo. Giros costumbristas, frases hechas y mazadas del Alto Aragón* (2017), *Por el país de las chamineras. Viajes por el Alto Aragón* (2018), *Parolas de lusco* (2019).

GIRALT LATORRE, Javier. Profesor Titular de Filolochía Catalana en a *Universidad de Zaragoza*. Os suyos estudios se zentran en a dialeutolochía, más que más en as fablas catalanas de La Llitera (Aragón), en a soziolingüística, en a toponimia y en a istoria d'a luenga, con espezial atenzión á o catalán escrito en a Edá Meya en Aragón. Estió coautor d'o *Estudio sociolingüístico de la Franja Oriental de Aragón*. Entre as suyas publicazions más importans se pueden cuaternar: *Aspectos gramaticales de las hablas de la Litera* (1998), *La llengua catalana en documentació notarial del segle XVI d'Albelda (Osca)* (2012), *Partidas, calles y apodos de Binéfar (Huesca)* (2014). Contauto: jgiralt@unizar.es

FERNÁNDEZ FERRERES, Luzía. Lizenziata en Zienzias de l'autibidá fisica e ro esporte por a Unibersidá de Barzelona. Cursó ro Diploma d'Espezializazión en Filolochía aragonesa e un Máster interunibersitario en «Identidá europea meyebal: luengas e literaturas en a edá meya». Ye profesora en o Diploma d'Espezializazión en Filolochía aragonesa (Facultá de Zienzias Umanas y de ra Educazión, Unibersidá de Zaragoza / Campus de Uesca). Ye autora d'un par de publicazions literarias en a rebista *Fuellas* e Finalista en o Premio de relatos breus "Luis de Val" 2019 (Sallén de Galligo). Como inbestigadora de l'aragonés ha publicato dos articlos en a rebista *Alazet*, zentratos en a sintaxis e ra fonetica istorica en documentos meyebals e un trebollo relacionato con a toponimia, tetulato "Toponimia de la Ribagorza en las libretas de Joan Coromines", publicato en a web «Lenguas de Aragón» (Direzió Cheneral de Política Lingüística d'o Gubierno d'Aragón).

GRACIA TRELL, Alberto. Ye diplomato en Machisterio (*Universidad de Zaragoza*) e Máster en Luengas Aplicatas (Universitat de Lleida, premio extraordinario). Antiparte, ha cursato ro Diploma d'Espezializazión en Filolochía Aragonesa (Universidad de Zaragoza). Ye autor de buena cosa d'articlos e treballos sobre l'aragonés en diferens rebistas e publicazions. Como estudioso de l'aragonés s'ha zentrato espezialmén en a suya istoriografía e d'a modalidá semontanesa. Bel fruto d'ixa fayena ye, entre otros, o trebollo *Lengua, vocabulario y toponimia de El Grado-Lo Grau, Naval y Hoz y Costean (Somontano)*, feito con una beca d'o Instituto d'Estudios Altoaragoneses atorgata en 2017. Ye autor d'o libro *Benito Coll y Altabás* (2016) e s'ha feito cargo d'a edizión e o estudio d'a obra d'Agliberto Garcés (*Obra en aragonés meridional*, 2012, en colab. con Ch. R. Usón), Pedro Arnal Caveró (*Somontano en alto. Escritos e inéditos [1946-1959]*, 2014) e Pascual González Guzmán (*El habla viva del valle de Aragüés*, 2018 [1953]). Ye miembro d'o Consello d'a Fabla Aragonesa.

NAGORE LAÍN, Francho. Dotor en Filolochía Romanica, ye Profesor Titular d'a *Universidad de Zaragoza (Departamento de Lingüística y Literatura Hispánicas)*. Ye enfilador d'o Diploma d'Espezializazión en Filolochía Aragonesa, tetulo propio d'a mesma unibersidá. Treballa en as dembas d'a gramatica, a dialeutolochía, a cheografía lingüística, a lexicografía e a soziolingüística. Autor, entre otras publicazions,

de: *El aragonés de Panticosa. Gramática* (1986), *Gramática de la lengua aragonesa* (5ª ed., Zaragoza, 1989), *Os territorios lingüísticos en Aragón* (2001), *El aragonés del siglo XIV. Según el texto de la Crónica de San Juan de la Peña* (2003), *Lingüística diatopica de l'Alto Aragón* (2013), *O charrar d'a chen de Uesca* (2020). Adreza-el.: fnagore@unizar.es

QUINTANA I FONT, Artur. Estió bibliotecario d'a Biblioteca d'o Palatinado e profesor en a Unibersidá de Heidelberg. Lingüista e filologo, espezialista en catalán d'Aragón e en aragonés. Antiparti de traduzions e de buena cosa d'estudios publicatos en rebistas espezializadas e en autas de congresos, entre os suyos libros se pueden zitar: *El hablar de La Codonyera* [1976-1980] (nueba edición: *El català de La Codonyera*, 2012), *La nostra llengua. Gramatica de llengua catalana* [1984], *Lo molinar. Literatura popular catalana del Matarranya i Mequinensa* [3 tomos, 1995, en colab.], *Bllat colrat!. Literatura popular catalana del Baix Cinca, la Llitera i la Ribagorça* [3 tomos, 1997, en colab.], *Plans reguladors d'ensenyament de l'aragonés i el català a l'Aragó* [2000, en colab. con Carme Alcover], *El aragonés residual del Bajo Valle del Mezquín* [2004], *El aragonés nuclear de Nerín y Sercué (Ballibió)* [2007], *Xandra, Estudios aragoneses de luenga e literatura / Estudis aragonesos de llengua i literatura* [2007], *La Vall de Balat. Memòria de l'Aragó 1948-2017* [2018], etc.

SANTAMARÍA LORIENTE, Chusé Antón. Miembro d'o Rolde de Estudios Aragoneses, e tamién d'o Consello d'a Fabla Aragonesa. Ye Lizenziato en Filolochía Franzesa e ye estado profesor en amostranza Primaria e Secundaria. Autor d'o libro *Chugar e charrar. Materials de refirme ta ra creyatividá en Luenga Aragonesa* (Uesca, Pucofara, 2003) e d'o treball "Refrans, frases feitas, ditos y espresions de a redoladade Ayerbe", en *Tradición oral: fiestas populares y religiosas de Ayerbe* (2ª parte), Ayerbe, 2003, pp.44-66. Ye l'autor prenzipal e enfilador d'o libro *Refrans, frases feitas, ditos y esprisions de l'Alto Aragón* (Zaragoza, REA, 2004), asinas como autor de buena cosa d'articulos sobre esprisions e frases feitas publicatos en a revista *Fuellas*. Tamién ye autor literario en aragonés que ha publicato tanto narración como, espezialmén, poesía e ha otenito barios premios literarios. A suya zaguera obra publicata ye *Aragonés ta Primaria* (Zaragoza, Aladrada, 2013). Cal mencionar tamién a suya colaboración en a obra coleutiba *El aragonés, una lengua románica* (2013). Contauto: jsantamaria@ono.com

VÁZQUEZ OBRADOR, Jesús. Dotor en Filolochía Romanica por a Unibersidá de Zaragoza. Ye profesor titular en a Unibersidá de Zaragoza, Facultad de Ciencias Humanas y de la Educación. En o Diploma d'Espezialización en Filolochía Aragonesa se fa cargo de l'asinatura de "Formación e desembolicamiento de l'aragonés". Os suyos estudios se zentran en a toponimia, a fonetica istorica e os textos meyevals. Entre as suyas publicacions cal mencionar: *Minutas en aragonés en protocolos de los años 1390-1399 de Domingo Ferrer, notario de Barbastro. I. Selección de documentos: transcripción y edición* (Zaragoza, PUZ, 2018); *Sobre fonética histórica del aragonés* (Uesca, Publicacions d'o Consello d'a Fabla Aragonesa, 2011); "Aspectos lingüísticos", en *Ordinaciones y pamentos de la ciudad de Barbastro*, publicados por Mariano de Pano (edición facsímil, Balbastro, 2011, pp. 5-62); *Toponimia de Aso, Yosa y Betés (Sobremonte, Alto Gállego)* (Zaragoza, Prensas Universitarias de Zaragoza / Xordica Editorial, 2008); *Nombres de lugar de Sobrepuerto. Análisis lingüístico* (Uesca, Comarca Alto Gállego, 2002).

VIDALLER TRICAS, Rafel. Achén de Mon d'o Gobierno d'Aragón. Lizenziato en Antropolochía Sozial e Cultural. Ye miembro d'o Consello d'a Fabla Aragonesa. Espezializado en replegas lescicas sobre o meyo natural y en aragonés, ha publicato muitos articlos e libros sobre o tema, entre os que destacan: *Libro de as Matas y os Animals* (2004); *Fendo l'onso. Asayos d'antropolochía zoolochica* (2017). Adreza. el: rvidaller@gmail.com